



REPUBLIKA E KOSOVËS
REPUBLIC OF KOSOVO
REPUBLIKA KOSOVA



KOMUNA E PEJËS / MUNICIPALITY OF PEJA / OPŠTINA PEĆ

KUVENDI I KOMUNËS PEJË

I.Numër: 060/01-54843

Pejë, datë: 26 korrik 2024

PROCESVERBAL

Nga takimi i –VII- të i rregulltë i Kuvendit Komunal Pejë, i mbajtur me: **26 korrik 2024**, me fillim në orën 10:00 h.

Takimi u mbajt në sallën e Kuvendit të Komunës së Pejës.

Në takim prezantojnë: pos anëtarëve të kuvendit të komunës, kryetari i komunës z. Gazmend Muhaxheri, nënkryetari z. Fatmir Asllani; kryesuesi z. Rexhep Kurtbogaj; drejtorët e SHCK-së, z.Avni Gashi, udhëheqës i sektorit të kuvendit, zyrtare administrative znj.Donjeta Morina, asistente e kryesuesit, znj.Florinda Berisha: përfaqësues të ZIP-it, përfaqësuesit të OJQ-ve dhe përfaqësues të mediave të shkruara dhe elektronike.

Në vazhdim takimin e kryesoi; kryesuesi z. Rexhep Kurtbogaj, ku e hapi diskutimin për rendin e ditës dhe i sqaroi pikat të cilat janë vendosur në rend dite, pastaj konstatoj se janë 33 anëtarë prezent.

Unanimishtë nga të gjithë anëtarët prezent, u miratua ky rend dite me propozimin që u dha nga kryesuesi:

REND DITE

1. Pjesëmarrja në takim e anëtarëve të kuvendit dhe mungesat.
2. Pjesëmarrja publike dhe delegacionet.
3. Shqyrtimi dhe miratimi i Procesverbalit të K.K. Pejë, dt. 28.06.2024.
4. Shqyrtimi dhe Miratimi i vendimit për projektin "Përkrahja e fermerëve/bujqve në zonat rurale me mekanizëm bujqësor".
5. Shqyrtimi dhe miratim i Raportit të vlerësimit të dëmëve të shkaktuara nga fatkeqësit natyrore dhe fatkeqësit tjera të periudhës kohore korrik 2023 - qershor 2024.
6. Shqyrtimi i themelimit të grupit punues për hartimin e planit të punës së Kuvendit të Komunës për

vitin 2025.

7. Shqyrtimi dhe miratimi pas diskutimit publik i Draft Strategjisë Komunale kundër dhunës në Familje 2024-2027 dhe Plani i Veprimit për parandalimin e dhunës në familje 2024-2027.
8. Shqyrtimi i raportit i të hyrave dhe shpenzimeve për gjashtëmujorin e parë, janar - qershor 2024.
9. Shqyrtimi i raportit të auditimit për pasqyrat financiare vjetore të Komunës së Pejës për vitin 2023 dhe plani i veprimit për të gjeturat e auditimit të vitit 2023.
10. Shqyrtimi i informatës nga DKA për përfundimin e vitit shkollor, testit të arritshëmirsë dhe testit të maturës.
11. Shqyrtimi i raportit të punës së Kryetarit të Komunës për gjashtë-mujorin e parë 2024.
12. Pytjet dhe propozimet lidhur me punën e Komunës, të ngritura nga anëtarët, në atë rënditje siç janë pranuar:
13. Çështje të ngritura në mbledhje nga udhëheqësi apo nga anëtarët e Kuvendit.

1.Pjesëmarrja në takim e anëtarëve të kuvendit dhe mungesat.

Në takim munguan z.Rrustem Berisha dhe z.Granit Kelmendi.

2.Pjesëmarrja publike dhe delegacionet.

Nuk ka pasur.

3.Shqyrtimi dhe miratimi i Procesverbalit të K.K. Pejë, dt. 28.06.2024.

Unanimishtë nga të gjithë anëtarët prezent u miratua procesverbali i KK Pejë i dt.28.06.2024.

4.Shqyrtimi dhe Miratimi i vendimit për projektin "Përkrahja e fermerëve/bujqve në zonat rurale me mekanizëm bujqësor".

Kryesusi Rexhep Kurtbogaj: e kemi diskutuar edhe në KPF kur drejtori ka prezentuar këtë strategji për përkrahjen e fermerëve.

Nga të gjithë anëtarët prezent me 27 votë pro, 6 votë të përmbajtur, u miratua vendimi për projektin "Përkrahja e fermerëve/bujqve në zonat rurale me mekanizëm bujqësor".

5.Shqyrtimi dhe miratimi i Raportit të vlerësimit të dëmëve të shkaktuara nga fatkeqësit natyrore dhe fatkeqësit tjera të periudhës kohore korrik 2023 - qershor 2024.

Kryesusi Rexhep Kurtbogaj: është raport që plotësohet nga komisioni i forumar nga kryetari në rastin e fatkeqësive për vlerësimin e dëmëve. Është një dokument që e kemi shqyrtuar edhe në takimin e KPF-së i cili ka marrë sugjerime nga anëtarët që të plotësohet. Pastaj dokumenti ka ardhur i plotësuar me rekomandimin që ju është dhënë nga anëtarët e KPF-së.

Z.Naim Bytyqi: këtë raport e lexova me vëmendje dhe këtu thotë se 66 kërkesa janë shqyrtuar dhe kanë arritur me u pranuar nga ana e komisionit. Mirëpo këtu në rendor nuk është 66 por është numri 69. Thotë: tri kërkesa kanë ardhur mrenda KPF-së, edhe gjatë mbledhjes së KPF-së janë

pranuar edhe 6 kërkesa, më intereson a ka qenë komisioni prezent në KPF? Po ashtu shqetësimi im është se kjo listë që 3 here po ndryshohet, shuma e parë ka qenë 71 mijë euro, shuma tjetër 118 mijë euro, 54 mijë euro kanë qenë shumat e pavendosura dhe pastaj janë vendos më vonë edhe në fund ka arrit shumen 173 mijë euro. Më intereson për çka janë bo këto dëme? A kanë qenë në bujqësi? A ju ka prish dikujt keri? Ta dim saktë se për çka janë pagu, sepse për mos meu lshu unë me përmend emra dhe persona fizik, mua më interson saktë për gjithësecilin se qfarë dëme j'u kanë shkaktuar! Edhe unë nuk e di si ka kalu në KPF, dhe i ftoj koleget mos me votu ketë raport pa u sqaru keto kërkesat që unë po i boj këtu sot.

Znj.Mubera Belegu: unë në lidhje me ketë pikë të komisionit komunal e kam vërejt që duhet përmirësim në të shkruar, mirëpo specifikimi prap po mbet njejt. E kemi vlerën e dëmit mirëpo nuk është e specifikuar se për çfare dëmi bëhet fjalë, pra është mase e nevojshme me qenë edhe një kolonë ku do të ceket se çfarë është dëmtuar. Po ashtu askund nuk shoh që kanë qenë prezent kryetarët e bashkësive lokale, edhe vitin e kaluar e kam cekë që kryetarët e bashkësive lokale duhet me qenë prezent me komisionin kur ndodhin fatkeqsi, për me dit se edhe ata se çka po ndodh me bashkësinë e tyre! Për ketë arsye mendoj që kjo nuk duhet të votohet të plotësohet edhe kjo kolonë të specifikohet se çka është dëmtuar sepse ka me shku në qeveri dhe për ketë arsye mundet me u kthy prapa.

Z. Berat Ganiqi: në KPF ketë raport e kemi kalu me një vërejtje për me sqaru se në çfarë date janë duke u kompenzu vërshimet sepse këtu thuhet: Korrik 2023-Qeshor 2024. Po ashtu nuk specifikohet data fare se për cilat vërshimet, aty ka pas edhe të komunave tjera të cilet kanë thonë jetojmë në Pejë. Këto sqarime duhet me u bo, sespe janë të pa qarta dhe e dini edhe ju kryesuse që ka kalu me vërejtje. Kur u kthy prap vetëm nr i protokollit është shtu pa ndjonje sqarim shtesë, kjo siq tha edhe znj. Mubera, shkon edhe në qeveri dhe atje ata do t'i kqyrin me detaje. Unë, nuk du me paragjyku se a u dëmtu dikush a po nuk është dëmtu, aty e din më së miri komisioni të cilet e kanë bo vlerësimin, mirëpo duhet me i pas keto sqarime na si asambleista kur flasim për vërshime se për çfarë vërshime po flasim!

Z.Nezir Jahmurataj: e kam pa listen e njerzve të dëmtuar gjatë një viti si nga breshëri si nga vërshimet, si nga era, është mirë që aty e kanë cekë por e kisha lut komisionin që të jetë më gjithë përfshirës nga të gjitha subjektet sespe është ma real. Po ashtu kisha kerku që të kompenzohet dëmet e vitit të kaluar që kanë qenë më të mëdhaja, ndërsa këto vlerësimet e ketij viti të jenë vlerësime më reale.

Kryetari Gazmend Muhaxheri: komisioni i vitit të kaluar është vlersu si komisioni shembull për vlerësimin e dëmeve. Qeveria e ka nxjerrë një vendim mirëpo në atë vendim nuk është përfshi periudha e dëmeve që kanë ndodhë në komunën e Pejës dhe qytetarët kanë mbet pa u kompenzu. Edhe ky vlerësim thash këta nuk ja kanë qit vulen, por është vlerësu dëmi për afërsisht sa është dëmi i ekonomive familjare. Ky vlerësim shkon në komisionin ndërministror dhe ata në bazë të dokumentacionit që e kanë i vlerësojnë.

Nga të gjithë anëtarët prezent me 17 votë pro, 11 votë kundër; 2 votë të përmbajtur, dhe 3 antarë nuk kanë marr pjesë në votim, miratohet raportit i vlerësimit të dëmeve të shkaktuara nga fatkeqësit natyrore dhe fatkeqësit tjera të periudhës kohore korrik 2023 - qershor 2024.

6.Shqyrtimi i themelimit të grupit punuës për hartimin e planit të punës së Kuvendit të Komunës për vitin 2025.

Kryesusi Z. Rexhep Kurtbogaj: para përfundimit të çdo viti e kemi berë obligim qe ta kemi të miratuar planin e punës së kuvendit, anadaj sot duhet që ti propozojmë antarët nga kuvendi që të jenë pjesë e komisionit për hartimin e planit të punës të kuvendit. Komisioni përbehet nga 7 antarë, do të ketë përfaqsim nga të gjitha subjektet politike. Kryesusi i kuvendit shkonë me automatizëm, pastaj 6 antarë tjerë dhe 1 antarë nga shoqëria civile apo partnerë të jashtëm, në këtë rast e kemi shërbimin e kuvendit.

Antarët e propozuar:

Islam Husaj – LDK

Naim Bytyçi – AAK

Hidaete Nikqi – LVV

Fatime Shala – PDK

Izet Kojjic – BIP

Me 30 vota pro, kundër nuk ka, përmanjatur nuk ka, 3 antarë nuk kanë marrë pjesë në votim, miratohet përberja e komisionit për hartimin e planit të punës së Kuvendit të Komunës për vitin 2025.

7.Shqyrtimi dhe miratimi pas diskutimit publik i Draft Strategjisë Komunale kundër dhunës në Familje 2024-2027 dhe Plani i Veprimit për parandalimin e dhunës në familje 2024-2027.

Kryesusi Z. Rexhep Kurtbogaj: Eshtë një draft plan që ka kaluar edhe përmes diskutimit publik, gjithashtu është edhe një material i cili është dërguar me kohë tek antarët e kuvendit.

Me 31 vota pro, kundër nuk ka, përmanjatur nuk ka, 2 antarë nuk kanë marrë pjesë në votim. Miratohet Draft Strategjia Komunale kundër dhunës në Familje 2024-2027 dhe Plani i Veprimit për parandalimin e dhunës në familje 2024-2027.

8.Shqyrtimi i raportit i të hyrave dhe shpenzimeve për gjashtëmujorin e parë, janar - qershor 2024.

Z. Naim Bytyqi: sa i përketë raportit të hyrave dhe shpenzimeve për gjashtëmujorin e parë, mua me intereson kodi ekonomik 50212, licënsa për reklama një publikim në pronë publike është e shënuar dy herë, ne njerën kategori nuk ka te hyra fare, ndersa ne tjetrën ka. Gjatë raportit tre mujorsh kur ka ardhur para 3 muajave, zyrtarja për financa tha së mund të jetë gabim teknik, por mua sot me intereson a është gabim teknik apo nuk ka të hyra, sepse njera kategori është 24.000 euro të hyra dhe tjetra 0 te hyra për 6 mujorshin e 2024. Sa i përketë raportit të shpenzimeve

gjatë 3 viteve i keni cek akomodimi për udhetime zyrtare, kodi ekomonik 13142, do të thotë këtu po kalonë parashikimi për 100 % herë edhe më shumë, do të thotë po shpenzoni shumë, posë me qenë ministria e punëve të jashtme me gjitha këto levizje me gjitha këto shpenzime. Shërbimet e përfaqsimi të avokaturës edhe kjo në rritje, blerja e kompjuterëve ketu sipas parashikeve është 42, ndoshta aty ka edhe arsye, nuk e di, paisjet tjera me vlerë 1000 euro edhe këtu sigurisht ka arsye, sigurimi i automjeteve, mua me intereson tek sigurimi i automjeteve a janë të regjistruara a nuk janë. Tek kategoria tjetër, investimet kapitale këtu thotë 22.86 % janë shfrytëzuar. Mua me interesonë si ka me qenë investimi për 2024 po shkon vera, nga kushtet klimatike ndalojnë që ti kryejmë dhe ti realizojmë ato që i kemi parapa për 2024. Do të thotë është shumë shqetësues investimet kapitale të cilat komuna nuk ka arritë me i realizu vetem 22 % jemi në muajin e 7.

Z. Berat Ganiqi: kisha mu ndalë pakë tek mirëmbatja dhe riparimi i automjeteve të cilat janë 32,644.60 për këtë 6 mujorin e parë të vitit 2024. Cdo vitë është parapa blerja e veturave dhe me sa di, veturat vitin e kaluar janë blerë të reja dhe komunes po i kushton kogja shumë mirëmbatja dhe riparimi i tyre 32.644 euro. Do të thotë e kaluar për disa euro edhe 6 mujorin e vitit të kaluar. Është interesante poashtu keni dy kode buxhetore, tek shpenzimet e derivateve, tek derivatet për gjenerator i keni parap 25.000 euro ndersa i keni shpenzu 0 euro. Poashtu në kodin tjetër buxhetor e keni berë derivate për automjete gjenerator dhe makina 123.603 euro. Do të thotë edhe ketu prap keni vendosur derivate për makina, i keni përfshi edhe gjenerator edhe pse e keni një kod tjetër buxhetor. Poashtu siç e tha edhe kolega Z. Naimi me heret ka shpenzime në normen për përfaqesim të avokaturës. Unë e di që përfaqesimet në avokatur kushtojnë kogja, por e di që edhe landë komuna e Pejës është tu i humb shumicën. Për shkakë që vetëm me këtë kontratën kolektive po shihet sa jemi dukë i humbë. Është mirë me e bë një marrëveshje me avokatin kush e përfaqeson komunën, me bisedu edhe me nderru këtë tarifë, për shkakë së ka tejkalu shumë, vitin e kaluar ka pasë shumë ma pak shpenzime në 6 mujorin e parë, këtë vitë ka shumë e ma shumë. Vretja tjetër është tek të hyrat për 500.000 euro ma pakë ka te hyra këtë vitë tek tatimi për pronë. Mendojë që mbledhje e mos tatimeve është një problem i madhë, gjithashtu edhe tek gjobat e inspektoriatit, kemi më pakë të hyra se sa viteve të kaluara. Këto janë vretjet tona dhe pres reflektim.

Z. Drin Veselaj: përveç këtyre që i cekën kolegët, mua me intereson ta bëjë një pyetje tek transferet dhe subvencionet në kuadër të zyrës së kryetarit. Për shembull vitin e kaluar kanë qënë 181.000 euro deri në muajin e 6, janë planifiku 290.000 euro. Nderësa këtë vitë deri në muajin e 6 janë shpenzu 260.000 euro. Pra për 6 muaj janë shpenzu transferet dhe subvencionet në një masë të madhë. Cka don me bo kryetari tash këto 6 muajt tjerë?

Znj. Hajrije Haxhijaj: sa i përketë raportit të të hyrave dhe shpenzimeve për periudhen janar-qeshor, po ju tregojë që nuk jau kemi dergu si material, por në këtë muaj na kanë arritë edhe gjobat në trafik edhe gjobat nga gjykata. Komplet gjobat nga gjykata për 6 mujorin janë 33.995 dhe gjobat në trafik janë 410.003 euro. Sa i përketë pyetjes së deputetit që janë dy kode ekomonike, duke marrë parasysh së të hyrat janë paraqitur në bazë të drejtorive, do të thotë kodet ekonimike janë në dy drejtori. Është tek infrastruktura rrugore ku ceket liçesa për reklamim në

prona publike ku janë inkasu 24.000, këtu janë lejet për postat, antenat që e kemi leshuar hapsirat publike, këto i mbledhë drejtorja e shërbimeve publike, infrastruktura rrugore. Tek çeshtjet pronësore që është i cekur kodi ekonomik i njejt, këto janë liçesat për shfrytëzimin e hapsirave publike rreth lokaleve, që për fat të keq por unë po e pranojë nuk janë evidentuar në kodin përkatës, gjitha këto të hyra kanë hyrë në kodin qeraja nga objektet publike. Tek pyetja tjetër që ishte rreth planifikimit të kodeve ekonomike në mallra dhe shërbime, duhet cekur që plani kontabel në vitin 2023, kur e kemi planifikim buxhetin e vitit 2024 ka pësuar ndryshime. Janë kode ekonomike që në të ardhmen nuk kemi nevojë që planifikojmë vetëm derivate për gjenerator, por shuma ka më u përfshi në derivate për automjete gjenerator dhe makina që e kanë bërë si kod me të përgjithshme. Sa i përketë udhimeve zyrtare normal kemi pasë shpenzime më të mëdha, qëllimi kryesor është mos të tejkalohet.

Kryetari Z. Gazmed Muhaxheri: ky 500.000 euro që po mbledhet me pak në tatimin në pronë, është vendimi i qeverisë që me heq kushtëzimin për regjistrim të automjeteve, do të thotë efekti i heqjes së këtij kushtëzimi, ka rezultuar në këtë 6 muaj 500.000 euro më pak të hyrave vetanake. Kemi me u mundu deri në fund të vitit më e kompenzuar këtë punë, duhet me ju dergu veretje personave që nuk e pagujnë tatimin me rregull.

Z. Naim Bytyqi: po i drejtohem zyratres, reklamat do të thotë janë kompetencë sa mundem me ditë unë, drejtorisë së shërbimeve publike, cilat janë zero. Njera kategori është zero ska të hyra, njera i ka 24.000. Mua po me intereson reklamat, billbordat në rrugë a ka të hyra nga to apo nuk ka?

Znj. Hajrie Haxhijaj: po janë të regjistruara si të hyra në kodin qeraja nga objektet publike. Një pjesë është e parapamë në drejtorinë e shërbimeve publike, pjesa tjetër e shfrytëzimit të hapsirave është e parapamë në çeshtje pronësore.

Z. Naim Bytyqi: a duhet me i nda apo duhet kodin zero me fshi krejt, dhe për regjistrim të automjeteve e kërkova një përgjigje, a janë të regjistruara automjetet e komunës?

Znj. Hajrie Haxhijaj: duhet me i nda por po e kemi një problem teknik rreth kësaj.

Kryetari Gazmed Muhaxheri: janë të regjistruara ato që kanë regjistrim, këto tjerat që ju ka kalu regjistrimi janë ankesat në OSHP dhe janë 15 vetura që nuk janë të regjistruara dhe nuk dalin në qarkullim.

Z. Berat Ganiqi: sa i përketë vendimit të qeverisë, ai vendim ka qenë për mu pëshendet, për shkakë që nuk mundesh me kushtëzu qytetarin me diçka që ka të bëjë me krejt tjetër çka. Mundesh me kushtëzu diçka që lidhet me tatimin në pronë, por përm me regjistru veturën me pagu faturën e mbeturinave, me pagu faturën e tatimit është e kundershtshme dhe antikushtëtuse, shkelje e të drejtave të njeriut. Është obligim i komunës për me mbledhë tatimin dhe jo i qeverisë.

Z. Drin Veselaj: 500.000 euro janë me pak në inkasimin e tatimit në pronë, ju thatë që prej që është heq kushtezimi. Më sa unë e di kushtezimi është hek që 3 vite, kurse vitin e kaluar ne kemi diskutu këtu, jeni krekosë ju për inkasim të tatimit në pronë deri në pikë të fundit, çfarë ndodhi tash?

Kryetari Z. Gazmed Muhaxheri: vitin e kaluar kemi pasë tejkallim 1.000.000 euro të hyrave vetanake. Edhe këtë vitë e shikojmë këtë punë, qytetarët me siguri vetdisohen kur vinë tek shtatori e pagujnë për mos me ju ngritë kamata.

Z. Nezir Jahmurataj: unë po kyçem në këtë pjesën e dytë, e pashë që grumbullimi i të hyrave nga tatimi në pronë është me i vogël këtë vitë, por po më intereson vitet e më parshme, kanë qenë të kushtezuar qytetarët me vetura, i kam parë disa përsone ose kompani që veprojnë në territor të komunës së Pejës, që kanë tatim në pronë jashtëzakonishtë shumë. Si i kanë regjistru veturat përpara sepse i kanë pasë 40.000 euro borxhe komunës?

Kryetari Z. Gazmed Muhaxheri: e dinë edhe vetë, kanë shku në Deqan i kanë regjistru dhe këtu kanë mbetë me tatim. Kemi njerëz që nuk janë social ndaj shoqërisë dhe mundohen me ju ikë tatimeve.

9.Shqyrtimi i raportit të auditimit për pasqyrat financiare vjetore të Komunës së Pejës për vitin 2023 dhe plani i veprimtimit për të gjeturat e auditimit të vitit 2023.

Z. Labinot Panxha: sa i pëkë të kësaj pikë të rendit të ditës, është shumë e rëndesishme të potencohet në fillim që komuna vite me rradhë nuk është duke i zbatu rekomandimet e auditorit të përgjithshëm. Për vitin 2023 janë 8 te gjetura disa prej të cilave do ti diskutojë unë me siguri edhe kolegët e tjerë. Raporti i auditorit për vitin 2023 e paraqet komunën e Pejës siç është me së keqi dhe atë duke e pëcaktuar me opinion të kualifikuar. Kryetari i komunës nuk ka mundur të pëmisohet ne disa fusha siç është fusha e prokurimit publik, ngasë nga ato pak monstra të cilat auditori i ka këkuar ka gjetur shumë parregullsi. Prokurimi publik në komunën e Pejës identifikohet me shkelje ligjore, ku në 7 procedurat e prokurimit hapet tenderë pa berë zotimin e mjeteve dhe për kundër faktit që për ato projekte ka mjete të destinuara mjaftushëm ne ato kode buxhetore. Mirëpo komuna zoton vetem 10 % të shumës totale të dedikuar për ato projekte dhe kjo sigurishtë behët m qellim që operatorve ekonomik të mos ju behën pagesat, sipas kontratave dhe afateve kohore. Gjetja tjetër është së komuna me 16 raste ka shkelur rregulloren për shpenzimin e parasë publike duke i berë zotimet e mjeteve pasë pranimit të faturave, në vend që të parashihet vlera për shërbimin e caktuar, komuna zgjedh metodë më të shkurtë të furnizohet

me mallë apo shërbime të caktuara ende pa e ditur se sa kushton ai shërbim. Tjetër e gjetur e cila është shumë me rendësi është keqpërdorimi në menaxhimin e kontraktimit të qërasë së parkingjeve. Poashtu në vitin 2021 kuvendi komunal e ka kaluar listën e pronave për dhenjen në shfrytëzim afatshkurtër, me kohë zgjatje prej 3 viteve. Mirëpo këto prona të destinuar për parkingje janë dhënë për shfrytëzim me kohë zgjatje prej 10 vitesh, pra komuna ka vepruar me kundërshtim me një vendim që kuvendi e ka aprovuar në muajin prill 2021. Për fund këto keqpërdorime dhe pa rregullsi në komunën tonë një gjë është e sigurtë, së kjo gjendje e krijuar ka ndikuar dhe do të ndikojë drejtëpërdrejtë në mirëqenien e qytetareve tonë.

Kryesusi Z. Rexhep Kurtbogaj: raporti i auditorit nuk thotë që komuna është keq, jemi në top listën komunave me të mira në Kosovë për zhvillimin e procedurave. Raporti i auditorit ka ardhë si pasojë e një efekti zinxhiror që ka ardhë prej terheqjes së mjeteve nga thesari dhe gjykatat për shujtat. Nuk do të thotë që komuna është në gjendje të keqë pse ka ardhur raporti i kualifikum.

Z. Naim Bytyqi: raporti i auditimit për pasqyrat financiare vjetore të komunës për vitin 2023. Do të thotë zyra kombëtare e auditimit ka nxjerrur këtë raport ku sipas auditioreve ky raport ka nxjerrur një opinion të kualifikum që nenkupton që ka të gjetura të cilat nuk kanë shkuar sipas rregullave financiare. Ky është klasikimi për shpenzime kapitale, pagesa për shujtat jubilarë të cilat janë ekzekutuar. Unë dua të ndalem tek pika e tretë ku janë 5 herë në 5 raste, marrja e mjeteve për një projekt dhe të cilat kanë kalu për një projekt tjetër. Është një gjë të cilën unë edhe kolgët e mijë, sidomos personalisht unë e kam cekur për gjatë tërë vitit dhe siç e dini në seancën e fundit e cila ishte seanca e jashtëzakonshme, përplasja e cila ndodhi është pikërisht për këto çështje, për arsye që jam munduar rregullativën e pasqyrave financiare ta mbrojë, kjo ka qenë interes i imi, unë mendoj që ky raport është rraporti me i keqi këto 11 vitet e fundit.

Z. Berat Ganiqi: u tha shumë raporti i auditorit në të gjitha pikat ka dalë keqë, këto të gjeturat që kanë qenë. Është edhe mos inspektimi i pronave të pa lujtshmë që derivon nga ligji të cilin komuna nuk e ka kryer si obligim. Në shumë projekte nuk janë ndarë fondet e mjaftueshme për realizimin e atyre projekteve, në shumë projekte ka vonesa dhe nuk ka ndonjë afat së kur kanë mu kry. Poashtu kisha mu ndalë tek rregullroja e Ministrisë së financave nr.04/2017 mbi kriteret standartet dhe procedurat e financimit publik të OJQ- së. Komuna thotë në tri raste ju ka nda subvencione organizatave qeveritare të cilat sipas ligjit kanë qenë të obliguara më së pari me i dorezu raportet dhe shpenzimet që i kanë pasë për vitin paraprak. Kjo është prap një keq menaxhim në kundërshtim me ligjin, dhe çka është më keq nuk keni caktuar person përgjegjës për me i mbikqyrë, nuk dihet as si janë shpenzu as çka ka ndodhë.

Znj. Hajrie Haxhijaja: sa i pëketë raportit të auditorit normal që e dimë së opinionit është kualifiku, por opinionit nuk është kualifiku për shkakë të gjeturave, pra opinionit është kualifiku për shkakë të keqklasifikimit i cili ka ndodhë si pasojë e kontratës kolektive. Do të thotë bazë për

kualifikim të opinionit është çeshtja e kontratës kolektive, çeshtja tjetër është së disa kontrata që janë cekur që nuk kanë pasë disponoshmeri të mjeteve, duke marrë marrë parasysh së shumica e projekteve kapitale e kanë planin edhe prej të hyrave vetanake. Sa i përketë projekteve kapitale që janë marrë prej një projekti në projekt edhe tek kjo ka reflektu kontrata kolektive.

Z. Drin Veselaj: çfarë ka të bëjë kontrata kolektive me mos zbatimin e rregullorës për dhënien e subvencioneve edhe caktimin e përsosnit i cilit duhet ti mbikqyrë projektet të cilat jepen subvencionet. Ju e keni bërë keqklasifikimin, mos u mundoni më e relativizu çeshtjen vetëm me kontratën kolektive, sepse janë 12 çeshtje të ngritura në raportin e zyrës kombetare të auditimit.

Znj. Hajrie Haxhijaja: te raporti i auditorit, tek plani i pasqyrave financiare do të thotë rekomandimet të cilat jepen prej auditoreve në fillimi të raportit të auditorit ceket, kualifikohet opinionin por si bazë e marrin kontratën keqklasifikimit, kontrata kolektive që na atë nuk e kemi bërë si keqklasifikim, ministria i terhekë paratë.

Kryetari Z. Gazmend Muhaxheri: kontrata kolektive po e kalon gati 13.000.000 euro, ne si komunë kemi bërë marrëveshje, nuk kemi shku me shty këtë kontratën kolektive edhe na u ka sugjeru se nese e pranojmë marrveshjen gjyqësore komuna i kuresen diku rreth 900 mijë euro. Komuna tjera kanë shku me seanca të rregullta të cilat kjo kontrate kolektive vitin e ardhshem e merr buxhetin, por na kemi mendu që duhet me i kursy qeto 900 mijë euro . Kjo është bo mbrapsht sepse kjo kontraë është nënshkrua nga dikush tjetër dhe është dasht shpenzimet me i mbulu qeveria, por qeveria nuk ka pas vullnet me i mbulu keto shpenzimet sepse i ka konsideru këto komuna armiqsore dhe që nuk janë komuna të qeverisë!

10.Shqyrtimi i informatës nga DKA për përfundimin e vitit shkollor, testit të arritshëmirsë dhe testit të maturës.

Znj. Hidajete Nikqi: sa i përketë informatës për përfundimin e vitit shkollor, testit të arritshëmirsë dhe testit të maturës, unë edhe ne KPF kam ngitur një çeshtje që mirë kjo informatë të jetë e detajuar nga DKA- ja. Sepse sa i përketë përfundimit të vitit shkollor është mirë të tregohet sa nxënës kanë qënë të regjistruar, numri i nxënësve të cilët janë larguar prej shkollës, pastaj numri i nxënësve të cilët janë përsëritës. Poashtu tek testi i maturës dhe testi i arritshmërisë ne e shohim rezultatet sa ka qënë kalushmëria, mirëpo është mirë me qënë një raport me i detajuar edhe të tregohet a ka pasë nxënës të cilët janë largu nga testi, apo nxënës që nuk kanë mundur me ju nënshtru këtij testi.

Z. Naser Gega: tek çeshtja të cilën e ngriti kolegja, thuhet së raporti i detajuar përfundon kur hynë të dhënat ne procesin e SMI dhe aty i kemi shenimet e sakta me përsëritsa, me vlerësim e me gjini janë të gjitha. Sa i përketë testit të maturës dhe arritshmërisë a janë të gjithë apo jo, ata të cilët i kanë plotësu kriteret të gjithë i janë nënshtruar testit, kanë qënë 7 raste të cilat nuk kanë

mundur me marrë pjesë tek testi i arritashmërisë pjesën e parë, por ju kan nënshtru testit pastaj në pjesës së dytë dhe nga të gjithë ata nxënës që ju kan nënshtru testit asnjë nuk është sanksionu dhe nuk kemi ndonjë informatë tjetër.

11.Shqyrtimi i raportit të punës së Kryetarit të Komunës për gjashtë-mujorin e parë 2024.

Znj. Hidajete Kraniqi: në këtë seancë nder pikat e rendit të ditës kemi edhe raportin 6 mujor të drejtorive. Raporti DKA –së është shqetësues lajmi se në vitin shkollor 2023-2024 kemi 500 nxënës me pak se sa një vit më herët, ndër faktorët ky për rënjen e numrit të nxënësve është rënia e natalitetit, migrimi dhe të dyja si pasojë e kushteve sociale -ekonomike. Në këtë aspekt Komuna nuk ka ndërmarr asnjë hap. Përderisa Komunat tjera kanë ndërmarr hapa konkretë duke ndihmuar familjet që lindin dy e më shumë fëmijë me mjete financiare, komuna jone nuk e ka pa të arsyeshme ta praktikoi këtë stimulim. Si pilot projekt drejtorati i Shëndetësisë me drejtoratin e arsimit ka kryë vizita sistematike në 4 shkollat e Qytetit: Lidhja e Prizrenit, Xhemajl Kada, Asdreni dhe 7 Shtatori. Në nuk jemi të informuar se nga këto vizita sistematike çfarë rezultate shëndetësore kemi tek ata fëmijë dhe a do të vazhdojë projekti i këtyre vizitave në të gjitha shkollat a do të përfshihen në këtë projekt edhe shkollat e vendeve rurale.

Si DKA a keni ndërmarr masa që nga prindërit të mos kërkojnë mjete financiare për regullimin e klasave si ka ndodhur deri më tani, e që është shfrytëzuar koha kur ata kanë diplomuar dhe për leshimin e deftesave dhe diplomës është dashur pagesa e një shume të caktuar në emër të demeve. Kjo kërkesë do të ishte e drejtë vetëm në rast kur fëmija shkakton dëm dhe pagesa të bëhet në mënyrë individuale. A janë siguruar lëndet djegëse për dimër goft dru, pellet, apo mazut e jo të ndodhur sikur në vitin e kaluar.

Tek Drejtoria e shëndetësisë

Nga lista esenciale në disa prej artikujve nuk është mjaftueshme kërkesa e terapi për nevojat e pacientëve të cilët kërkojnë ndihmë shëndetësore, për mbulimin e të gjitha QKMF, QMF dhe AMF. Në disa artikuj ose nuk është planifikuar sipas nevojave, ose është keplanifikuar.

Nëse e analizoni tabelën që e kemi paraqitur vet në raport, vërehen artikuj që ekzistojnë në stok, janë furnizuar edhe këtë vit më të njetin, por nuk janë shfrytëzuar, si rezultat del që pacientët detyrohen të blenë vet atë artikull, ose të drejtohen në institucionin dytësor.

Tek Drejtoria për Mireqenje Sociale

Sa i përket subvencioneve të OJQ-ve në si GGA, kemi vizituar disa nga OJQ-të e Komunës tone përderisa isha si kryesuese e këtij grupi nga AAK. Shqetësimet e tyre dhe kërkesat i kemi paraqitur në raportin vjetor në dhjetor të vitit 2023, por në këtë 6-mujorsh nuk po vëret që është marrë parasysh ndonjë kërkesë. Rritja e shumës së subvencioneve sepse mjetet e ndara edhe në vitin e kaluar nuk kanë mjaftuar për nevojat dhe shërbimet që ata kryejnë e që janë të një rëndësie të vagant.

Tek Drejtoria për punë komunale dhe shërbime publike

Është një çështje që dua ta theksoj, e që është diskutuar me qindra here në këte asamble e që ka të bëjë me mungesën e ujit të pijes për fshatrat e Lugut të Baranit. Në këte pranverë është bërë teme edhe në media që për këte ujesjelles është shkele ligji i parkut kombëtar e ka pas debate e deklarime. Unë sot dua ta pyes kryetarin a është në dijeni se atje ku i keni deguar ju gypat për këte ujesjelles sot nuk ka ujë të pijes fare. A e keni menduar e projektuar mirë këte projekt dhe a do të duhej të mbante dikush përgjegjësi sepse jerezit e asaj treve nuk kanë ujë të pijes. Të merret aq jo seriozisht mungesa e ujit të pijes për 20 fshatra është fytyrë për banoret, e aq më e vestir bëhet jeta e atyre banorëve në këto ditë me temperatura deri në 40 grade. Gjithashtu thuhet se shumica prej rrugëve që kanë qënë të planifikuara janë në fazën e finalizimit, unë e potencoi që rruga në Kamenica dhe fshati Qallapek as që ka fillu.

Tek drejtorja për mbrojtje dhe shpetim

Në raportin 6-mujor të njesia profesionale e zjarrefikseve kanë kryer 194 intervenime, prej tyre 146 intervenime zjarri. E dimë që zjarrefikësit kryejnë intervenime të mëdha dhe në shumicën e rasteve e rrezikojnë edhe jetën e tyre, por që atyre ju mungojnë mjetet mbrojtëse. Përkundër që e kemi cekë si shqetësim edhe me heret, nuk është ndermarre asnjë masë në përmirësimin e kushteve të punës.

Z. Drin Veselaj: unë do ta ndajë një çështje me ju, plani i punës së kësaj komune karakterizohet me shumë skandale, probleme e së fundi me punësime nepotiste, partiake dhe të pa merituar. Sot e kam të drejtën me fol për personin të cilit i ka ndodhë kjo pa drejtësi, në këtë rast që është bashkëshortja ime. Para dy muajve është hapur një konkurs për rekrutimin e punëtorëve në çerdhen Pellumbat e Paqës, dhe si rrjedhojë bashkëshortja ka shprehur dëshirën me apliku. Kur ajo hyri në test me shkrim, ajo doli e 6-ta me pikët e testit dhe në intervistë në vendin e 21. Si përfundim aty ku ju nuk keni mundur me ndërhy tek testi me shkrim, aty ka dalë mirë, aty ku ju e keni pasë mundësinë me ndërhy, aty e keni bërë. Prindërit e mijë kanë punuar pa rroga dhe nuk ju kanë nënshtruar askujt, vitet e 90-ta prindi im ka marrë përgjithësi me e udhëheqë institucionin arsimor pa pagës, vetëm që mos me ju nënshtruar asnjë llojë presioni, asnjë llojë pushteti. Nuk ka të bëjë vetëm me sistemimin e bashkëshortës time, ka të bëjë me drejtësinë dhe me uljen e numrit të banorëve në këtë qytet, sepse aty janë edhe 80 vajza dhe gra të tjera të cilave ju ka ndodhë fati i njëjtë, që kanë qënë të mira në intervista, në test, mirëpo nuk e kanë pasë mundësinë me u pranuar për shkakë të bindjeve tyre politike.

Z. Berat Ganiqi: në gjithë këtë raportin e punës një gjë është bërë e mirë, është angazhuar një inspektor i ndërtimitarisë. Në çështjet e tjera të gjitha kritikët që i kemi pasë, asnjë raport nuk është i inifikuar. Me i shiku raportet ti mendon që janë drejtorit të qyteteve tjera, të komunave tjera, meqenëse asnjë raport nuk është unifikues, dikush përdor llogo, dikush nuk përdor llogo, dikush jep raport të shkurtër. Të gjitha çështjet e tjera e dimë ne çka ka në raport dhe çka përfunduar. Nuk barazohet askund raporti i planifikuar me raportin e punës për 6 muaj.

Z. Labinot Panxha: unë e kam parë një rekomandim të prokurisë themelore në Pejë, ku kërkon prej kryetarit me ndërmarrë masa për disa zyrtar të cilat ju kan ngritur aktakuzat, nuk po bëj pyetje tendecioze, por po kam dëshirë sot me na tregu kryetari ose dikush nga ju emrat se kush janë dhe për çfar janë ngritur ato aktakuza në ekzekutivin e kryetarit.

Kryetari Z. Gazmend Muhaxheri: vetëm një pyetje për z. Labinot, qysh e ki ti informatën që prokuroria veç kryetarit ja ka dergu letrën, përgjigju para të gjithve, qysh e ki ti si informatë, kur prokuroria vetëm mua me ka shkru letër.

Z. Labinot Panxha: këtë që të pyta e kam lexuar në raport tendin, është e cekur dhe nuk po të pysë asgjë jashtë temës. Nuk po e di kush janë dhe jam kureshtar me ditë, lexoje raportin dhe e vërenë.

Z. Naser Gega: numri i nxënësve në krahesim me vitin e kaluar i bie 2 % të jetë me i vogël. Nese e marrim në nivel kosovë për çdo vitë nga 2 %, numeri i nxënësve në komunës e pejës për 10 vite i bie që është 20 % numer me i vogël. Nese i marrim statistikat e fundit që kanë dalë në opinion, numri i nxënësve në komunë, tek maturantet ishte diku mbi 40 % deri ne 60% shkonte. Rezultatet e vizitave shëndetsore, ky ka qënë një pilot projekt mes drejtorisë shëndetsisë dhe drejtorisë së arsimit, kanë qënë 4 shkolla të qytetit. Të gjeturat e atij raporti janë dukë u përpunu dhe synimi jonë është së gjatë këtij viti të ri shkollor që do të fillojë, gradualisht ta bëjm shtrirjen në gjithë territorin e komunës së Pejës, sepse me të vertetë është tregu i sukseshem. Tek çeshtje e Z. Drinit që e diskutojë për çeshtjen e punësimit, unë nuk mundem me imagjinu një asambleist me arritë deri në këtë pikë me kriju paragjykime te tilla, aspolut nese përputhen me gjethçka me realitetin jo. Ajo që është kryesorja prej qe ka dalë rezultati dhe Z.Drini nuk e ka marrë mundin me ardh me pyte, nese jo me pyte ka pasë të drejtë me bë një ankesë edhe me zgjedh këtë problem.

Znj. Albulena Bajraktari: unë vetë deshta me u ndërlihdhë në pjesën e të nderuares asambleiste ku tha që oraganizatat e shoqërisë civile nuk mbështetën financiarisht nga komuna aq sa duhet. Ju rikujtojë që nga kategoria e subvencionit kemi ngritje të buxhetit vitë pasë vitit. Kjo gjë na mundëson përkrahjen me të madhe për kto organizata dhe vetë raporti fletë që kemi ngritje të kategorisë së subvencioneve di dhe janë përkrahur një numer i madh i oraganizatave. Kjo gjë shumë lehtë mund të evidentohet edhe ne drejtori ose nga vetë organizata.

Znj. Hidajete Kraniqi: nuk themë që nuk mbeshteten, drejtoresh ke qënë edhe ne KPP kur e kemi disku këtë çeshtje, ka qënë interes i joni si grup i grave asambleiste, që varesisht prej organiztave që veprojnë me shumë, e një ndër to ka qënë edhe Duart plotë meshirë, që ka kerku një rritje pak me të madhe për shkakë të punës dhe angazhimit, që ne të gjithë e dimë që e bejnë për sistemin shëndetsorë, është në interes të pacientave. Na kemi kerku me pasë një rritje ma të

madhe dhe me u klasifiku ne bazë të punës dhe veprimit që e kryjmë, nuk kemi thenë që nuk mbështeten.

12.Pytjet dhe propozimet lidhur me punën e Komunës, të ngritura nga anëtarët, në atë rënditje siç jan pranuar:

Nuk ka pasur.

13.Çështje të ngritura në mbledhje nga udhëheqësi apo nga anëtarët e Kuvendit

Z. Berat Ganiqi: javën a kaluar e kam pranuar një shqëtesim nga një qytetar i Pejës, kontribues i tri lufrave të fundit që janë zhvillu në trojet shqiptare, ky është Gjeladin Gashi puntorë në ndërmarrjen lokale të pastrimit “ Ambienti”. Gjeladini si rezultat i mos nenshtrimit të njerëzve atje të cilët e kanë kapë atë ndërmarrje, e ka marrë një vendim për shkputje të kontraës dhe largim nga puna. Nuk mendojë që njerëzit si Gjeladini që kanë kontribu në të mirë të shtetit, pa u përzi në gjëra të pista, duhet me i largu nga puna, vetëm së nuk i nënshtrohen një kryeshefi ekzekutiv.Për fat të mirë ky kryeshef ka qelluar bashkëshorti i drejtoreshës së inspeksionit. Unë kërkojë me kompetencat që i ka kryetari, kompetencat që i ka nënkryetari, ky vendim mu tërhjek mbrapa, sepse ai përjashtim është i jashtë ligjshem prej punës. Aty përsoni që është i akuzuar për keqpërdorim, akoma vazhdon me ushtru detyrën dhe pozitën e njejtë. Tek çështja tjetër që e ngriti z. Drini, çështjet e punësimeve është e vërtetë që këtu ndonjëher edhe nëse dikush i opozitës aplikon për vend të punës, duket që është shitur tek kryetari, tek subjekti. Mirëpo vet fakti që bashkëshortja e z. Drinit ka dalë ne vendin e 5, është elimini, ka dalë ne vendin e 22, tregon mjaftueshëm se çfarë hakëmarrje është bë. Si interesant të gjitha procedurat e rokrutimit i kalon motra e një drejtoreshë dhe punësohet e dinë në çfarë drejtorati.

Kryetari Z. Gazmend Muhaxheri: z. Gjeladini është ardhur dhe është ankuar edhe tek kryetari, por çështjen duhet me e adresu ligjerisht dhe kryetari e ka orientu me ju drejtu organeve, e ka këshillin e pavarur mbikqyrësë, gjykatën dhe krejt oragnet për me realizu të drejtën e vetë,jo me ardhë politikisht me e realizu një të drejt të vetës në punë. Ndërsa tek puna e punësimit kur te duash flasim, të njejtat punë jeni duke i bërë edhe ju në ndërmarrjen hidro drini, edhe në atë organin tjetër që e keni marrë, që jeni tu e udhëheqë tek patent shoferat, edhe ne e shohim kënd po e punësoni.

Meqë u shqyrtuan të gjitha pikat e rendit të ditës e propozime tjera nuk ka pasur, kryesuesi z. Rexhep Kurtbogaj e shpalli të mbyllur këtë takim të kuvendit, në orën 12:20 h.

Video incizimi i këtij takimi të Kuvendit të Komunës së Pejës në kanalën zyrtarë në Youtube.

Kliko: <https://www.youtube.com/watch?v=ASUtPwzIUIM>

Procesmbajtësja,

znj. Donjeta Morina



KRYESUES I KUVENDI,

Rexhep Kurtbogaj

